

## Бог Господь, глас 2-й

Болгарский распев

Бог Гос - подь, и я - ви - ся

нам, я - ви - ся нам, бла -

- го - сло - вен гря - дый

во И - мя Гос - под - не.

## 1-й Тропарь, глас 2-й

Болгарский распев

1

Бла - го - об - раз - ный и - о -

- сиф, с Дре -

- ва снем Пре - чис - то -

- е Те - ло Тво - е, Пла -

- ща - ни - це - ю чис - то -

- ю об - вив, и

во - ня - ми, во гро -

- бе но - ве, по - крыв, по - ло - жи.

## Слава:

Сла - ва От - цу, и Сы -

- ну, и Свя - то - му Ду - ху.

## 2-й Тропарь, глас 2-й

Болгарский распев


2

Ег - да сниз - шел е - си к смер -

- ти, Жи - во - те Без - смерт - ный, то -

- гда ад у - мерт - вил е -


- си бли - ста - ни - ем Бо - жест - ва. Е -




-гда же и у- мер-ши -




-я от пре-ис- под-них вос-кре- сил е- си, вся




СИ - лы Не бе - сны -



-я взы - ва - ху: Жиз -



-но - дав - че, Хри-сте Бо-же



наш, сла - ва Те - бе.

**И ныне:**

И ны - не, и при

- сно, и во ве - ки ве - ков. А - минь.

**3-й Тропарь, глас 2-й**

*Болгарский распев*

**3**

Ми - ро - но - си - цам же нам, при гро -

- бе пред- став, Ан-гел во - пи - я - ше: ми -

ра мерт -

- вым суть при - лич - на, Хрис-

- тос же ис - тле - ни -

- я я - ви - ся чуждь.

### Непорочны - Статия 1-я

Московский напев

Бла-го-сло - вен е - си, Гос-по - ди, на - у - чи - мя

о - прав - да - ни - ем Тво - им.

1  
Блажени непорочнии в путь ходящи в зако - не Гос-под - ни.

Жизнь во гро - бе по - ло - жил - ся е - си Хри - сте,

и Ангель-ска - я во - ин - ства у - жа - са - ху - ся


сниз-хож - де - ни - е сла - вя - ще Тво - е.

2  
Блажени испытующии свидения Его, всем серд-цем взы - шут Е - го.

Жи - во - те ка - ко у - ми - ра - е - ши, ка - ко и во гро - бе

о - би - та - е - ши, смер-ти же цар-ство раз - ру-ша - е - ши,

и от а - да мерт-вы - я воз - та - вля - е - ши.



Величаем Тя, Иисусе Царю, / и чтем погребение и страдания Твоя, / имиже спасл еси нас от ислечения.

**4. Ты заповедал еси заповеди Твоя / сохранить зело.**

Меры земли положивый, / в малом обитаеши, Иисусе Всецарю, гробе днесь, / от гробов мертвые возставляяй.

**5. Дабы исправилися путие мой, / сохранить оправдания Твоя.**

Иисусе Христе мой, Царю всех, / что ища к сущим во аде пришёл еси? / Или род отрешити человеческий?

**6. Тогда не постыжуся, / внегда призрети ми на вся заповеди Твоя.**

Владыка всех зрится мертв, / и во гробе новем полагается, / истощивый гробы мертвых.

**7. Исповемся Тебе в правости сердца, / внегда научити ми ся судьбам правды Твоея.**

Животе, во гробе положился еси, Христе, / и смертию Твоею смерть погубил еси, / и источил еси миру жизнь.

**8. Оправдания Твоя сохраню, / не остави мене до зела.**

Со злодеи яко злодей, Христе, вменился еси, / оправдая нас всех от злодейства древняго зачинателя.

**9. В чесом исправит юнейший путь свой? / Внегда сохранить словеса Твоя.**

Красный добротою паче всех человек, / яко беззрачен мертв является, / естество украсивый всех.

**10. Всем сердцем моим взысках Тебе, / не отрини мене от заповедей Твоих.**

Ад како стерпит, Спасе, пришествие Твое, / а не паче болезнует омрачаемь, / блистания света Твоего зарею ослеплен?

**11. В сердце моем скрых словеса Твоя, / яко да не согрешу Тебе.**

Иисусе, сладкий мой, и спасительный Свете, / во гробе како темнем скрылся еси? / О несказанного и неизреченного терпения!

**12. Благословен еси, Господи, / научи мя оправданием Твоим.**

Недоумевает и естество умное, и множество безплотное, Христе, / таинства несказанного и неизреченного Твоего погребения.

**13. Устами моима возвестих / вся судьбы уст Твоих.**

О чудес странных! / О вещей новых! / Дыхания моего Податель бездыханен носится, / погребаемь руками Иосифовыма.

**14. На пути свидений Твоих насладихся, / яко о всяком богатстве.**

И во гроб зашёл еси, / и недр, Христе, Отческих никакоже отлучился еси, / сие странное и преславное купно.

**15. В заповедех Твоих поглумлюся, / и уразумёю пути Твоя.**

Истинный небесё и земли Царю, / аще и во гробе малейшем заключился еси, / познался еси всей твари, Иисусе.

**16. Во оправданиях Твоих поучуся, / не забуду словес Твоих.**

Тебе положену во гробе, Создателю Христе, / адская подвизашася основания, / и гроби отверзошася человеков.

**17. Воздаждь рабу Твоему, живи мя, / и сохрани словеса Твоя.**

Землю содержи дляиию, / умерщвлен плотию, под землю ныне содержится, / мертвыя избавляя адова содержания.

**18. Открой очи мои, / и уразумёю чудеса от закона Твоего.**

Из истления возшел еси, Животе Спасе мой, / тебе умершу и к мертвым пришедшу, / и сломившу адовы верей.

**19. Пришлец аз есмь на земли, / не скрой от мене заповеди Твоя.**

Якоже света светильник, / ныне плоть Божия, под землю яко под спуд крыется, / и отгоняет сущую во аде тьму.

**20. Возлюбь, душа моя, / возжелати судьбы Твоя на всякое время.**

Умных стекается воинств множество со Иосифом и Никодимом, / погребсти Тя, Невместимаго во гробе мале.

**21. Запретил еси гордым, / прокляти уклоняющиеся от заповедей Твоих.**

Умерщвлен волею и положен под землю, / житоточне Иисусе мой, / оживил еси умерщвлена мя преступлением горьким.

**22. Отыми от мене понос и унижение, / яко свидений Твоих взысках.**

Изменяшеся вся тварь страстию Твоею, / вся бо Тебе, Слове, сострадаху, / Содержителя Тя ведуща всех.

**23. Ибо седоша князи, и на мя клеветаху, / раб же Твой глумляшеся во оправданиях Твоих.**

Живота камень во чреве прием, / ад всеядец, излева, / от века яже поглоти мертвыя.

**24. Ибо свидения Твоя поучение мое есть, / и совети мои оправдания Твоя.**

Во гробе нове положился еси, Христе, / и естество человеческое обновил еси, / воскрес боголепно из мертвых.

**25. Прильпе земли душа моя, / живи мя по словеси Твоему.**

На землю сшел еси, да спасеши Адама, / и на земли не обрет сего, Владыко, / даже до ада снизшел еси ищяй.

**26. Пути моя возвестих и услышал мя еси, / научи мя оправданием Твоим.**

Сотрясёся страхом, Слове, вся земля, / и денница лучи скры, / величайшему в земли сокровенному Твоему Свету.

**27. Путь оправданий Твоих вразуми ми, / и поглумлюся в чудесах Твоих.**

Яко человек убо умираеши волею, Спасе, / яко Бог же смертныя возставил еси от гробов, / и глубины греховныя.

**28. Воздрема душа моя от уныния, / утверди мя в словесах Твоих.**

Слезоточная рыдания, на Тебе, Чистая, / матерски, о Иисусе, накрапляючи вопияше: / како погребу Тя, Сыне?

**29. Путь неправды отстави от мене, / и законом Твоим помилуй мя.**

Якоже пшеничное зёрно, / зашед в недра земная, / многоперстный воздал еси клас, / возставив человеки, яже от Адама.

**30. Путь истины изволих, / и судьбы Твоя не забудь.**

Под землю скрылся еси, яко солнце ныне, / и нощию смертною покровен был еси, / но возсияй светлейше, Спасе.

**31. Прилепихся свидением Твоим, Господи, / не посрами мене.**

Якоже солнечный круг луна, Спасе, сокрывает, / и Тебе ныне гроб скры, / скончавшагося смертию плоти.

**32. Путь заповедей Твоих текох, / егда расширил еси сердце моё.**

Живот смерти вкусивый Христос, / от смерти смертных свободи, / и всем ныне дарует живот.

**33. Законоположи мне, Господи, путь оправданий Твоих, / и взыщи и выну.**

Умерщвлена древле Адама завистно, / возводиши к животу умерщвлением Твоим, / Новый, Спасе, во плоти явлейся Адам.

**34. Вразуми мя и испытаю закон Твой, / и сохраню и всем сердцем моим.**

Умнии Тя чини, простерта мертва зряще нас ради, / ужасаясь, покрываемы крилы, Спасе.

**35. Настави мя на стезю заповедей Твоих, / яко тую восхотех.**

Снем Тя, Слове, от древа мертва, / во гробе Иосиф ныне положи, / но востани, спасая вся, яко Бог.

**36. Приклони сердце моё во свидения Твоя, / а не в лихоимство.**

Ангельская, Спасе, радость быв, / ныне и печали сим был еси виновен, / видимь плотию бездыханен мертв.

**37. Отврати очи мои, еже не видети суеты, / в пути Твоём живи мя.**

Вознеслся еси на древе, / и живущия человеки совозносиши; / под землю же быв, / лежащая под нею воскрешаеши.

**38. Постави рабу Твоему / слово Твоё в страх Твой.**

Якоже лев, Спасе, уснув плотию, / яко некий скимен мертв встаеши, / отложив старость плотскую.

**39. Отыми поношение моё, еже непщевах, / яко судьбы Твоя благи.**

В ребра прободен был еси, / ребро вземый Адамле, / от негоже Еву создал еси, / и источил еси токи очистительныя.

**40. Се возжелал заповеди Твоя, / в правде Твоей живи мя.**

Тайно убо древле жрется агнец, / Ты же яве жрен быв, Незлобиве, / всю тварь очистил еси, Спасе.

**41. И да придет на мя милость твоя, Господи, / спасение Твоё по словеси Твоему.**

Кто изречёт образ страшный воистинну новый? / Владычествуй бо тварию, / днесь страсть приемлет и умирает нас ради.

**42. И отвечаю поношающим ми слово, / яко уповах на словеса Твоя.**

Живота Сокровище, како зрится мертв? / Ужасающиеся Ангели зываху: / како же во гробе заключается Бог?

**43. И не отымі от уст моіх словесé їстинна до зелá, / я́ко на судьбѣ Твоѣ упováх.**

Копіем прободѣннаго, Спáсе, из ребрá Твоегó, / живót животóм из животá спáсшаго мя исκάпаеши, / и живіши мя с ним.

**44. И сохранію закóн Твоѣ вѣну / в век, и в век вѣка.**

Распростѣрт на дрéве, собрал есі́ человекі, / в рѣбра же прободѣн, / животóчное всем оставлѣние источáеши, Исусѣ.

**45. И хождáх в широтѣ, / я́ко зáповеди Твоѣ взыскáх.**

Благообразный Спáсе образует страшно, / и погребáет Тя я́ко мѣртва благообразно, / и ужасáется Твоегó óбраза страшнаго.

**46. И глаго́лах о свидѣніих Твоіх пред царі, / и не стыдѣхся.**

Под землѣю хотѣнием низшѣд я́ко мертв, / возвóдиши от землі к небѣсным, оттúду пáдшия, Исусѣ.

**47. И поучáхся в зáповедех Твоіх, / я́же возлюбіх зелó.**

Áще и мертв вѣден был есі́, но живы́й я́ко Бог, / возвóдиши от землі к небѣсным, оттúду пáдшия, Исусѣ.

**48. И воздвигóх рúце моѣ / к зáповедем Твоім, я́же возлюбіх.**

Áще и мертв вѣден был есі́, но жив я́ко Бог, / умерщвлѣныя человекі оживіл есі́, / моего́ умертвív умертвítеля.

**48. И глумлѣхся / во оправдáніих Твоіх.**

О рáдости óныя! / О многія слáдости! / Ёхже во áде напóлнил есі́, / во днах мрáчных Свет возсіяв.

**49. Помяні́ словесá Твоѣ рабú Твоемú, / ёхже упováние дал ми есі́.**

Покланяюся страсти, / воспеваю погребѣние, / величаю Твою́ держáву, Человеколóбче, / ёмиже свободіхся страстѣй тлетвóрных.

**50. То мя утѣши во смирѣнии моём, / я́ко слóво Твоѣ живі́ мя.**

На Тя меч обнаж́ися, Христѣ, / и меч крѣпкаго ўбо притуплѣется, / меч же обращáется едѣмский.

**51. Гóрдии законопреступовáху до зелá, / от закóна же Твоегó не уклоніхся.**

Áгница Агнца зрѣщи в заколѣнии, / óстрием прободáема рыдáше, / сподвígши и стáдо вопіти.

**52. Помянúх судьбѣ Твоѣ от вѣка, Гóсподи, / и утѣшихся.**

Áще и во грóбе погребáешися, / áще и во ад їдеши, / но и грóбы истощ́ил есі́, / и ад обнаж́ил есі́, Христѣ.

**53. Печáль пріят мя от грѣшник, / оставлѣющих закóн Твоѣ.**

Вóлею снизшѣл есі́, Спáсе, под зёмлю, / умерщвлѣныя человекі оживіл есі́, / и возвѣл есі́ во слáве Óтчей.

**54. Пѣта бѣху мне оправдáния Твоѣ / на мѣсте пришѣльствія моего́.**

Трóицы Едін во плóти, / нас рáди понóсную претерпѣ смерть, / ужасáется же сóлнце, и трепѣщет землѣя.

**55. Помянúх в ноц́і їмя Твоѣ, Гóсподи, / и сохраніх закóн Твоѣ.**

Я́ко от истóчника гóрькаго, / Иўдова колѣна исчáдия в рóве полож́иша, / Питáтеля маннодáвца Исусá.

**56. Сей бысть мне, / яко оправданий Твоих взысках.**

Судия яко судимь пред Пилатом судиею, / и предста, и смёртию неправедною осуждён бысть, дрёвом крёстным.

**57. Часть моя еси, Господи, / рех сохранити закон Твой.**

Гордый Израилю, / убийственнии людие, / что пострадавше, Варавву свободите, / и Спаса предасте кресту?

**58. Помоліхся Лицү Твоему́ всем сердцем моим, / помилуй мя по словеси Твоему́.**

Рукю Твоею создавый Адама от земли, / того ради естеством был еси Человек, / и распялся еси волю Твоею.

**59. Помыслих пути Твоя, / и возвратих но́зе мой во свидения Твоя.**

Послушав, Слове, Отца Твоего, / даже до ада лютаго сошёл еси, / и воскресил еси род человеческий.

**60. Уготовихся и не смутихся, / сохранити заповеди Твоя.**

Увы Мне, Свете мира! / Увы Мне, свете Мой, / Иисусе Мой возжеленный! / Вопияше Дева, рыдаючи горько зываше.

**61. Ужа грешник обя́зашеся мне, / и закона Твоего не забых.**

Завистливи и убийственнии и гордии людие, / поне плащаницы и сударя самаго стыдятся, воскресшу Христу.

**62. Полунощи востах исповедатися Тебе / о судьбах правды Твоея.**

Прииди убо, скверный убийце учениче, / и нрав злобы твоея покажи ми, / имже был еси предатель Христов.

**63. Причастник аз есмь всем боящимся Тебе, / и хранящим заповеди Твоя.**

Яко человеколюбив некто притворяешься буге, и слепе, / всегубительнейший, неверный, Мירו продавый на цене.

**64. Милости Твоея, Господи, исполнь земля, / оправданием Твоим научи мя.**

Небеснаго Мира кую имел еси цену Многоценнаго; / кое приял еси противодостойное; / неистовство обрел еси, проклятейший сатаню.

**65. Благость сотворил еси с рабом Твоим, Господи, / по словеси Твоему́.**

Аще нищелюбец еси, / и о мире печалуеши истощаемом во очищение души, / како за злате продаеши Светозарна?

**66. Благости и наказанию, и разуму научи мя, / яко заповедем Твоим веровах.**

О Божий Слове! / О радости Моя! / Како претерплю тридневное Твое погребение? / Ныне терзаюся утробю матерски.

**67. Прже даже не смирити ми ся, аз прегреших, / сего ради слово Твое сохраних.**

Кто даст Ми воду и слез источники, / Богоневестная Дева зываше, / да восплачу сладкаго Ми Иисуса?

**68. Благ еси Ты Господи / и благостию Твоею научи мя оправданием Твоим.**

О горы и холми, и человеков множества! / Восплачители, и вся рыдайте со Мною, / Бога вашего Материю!

**69. Умно́жися на мя неправда го́рдых, / аз же всем се́рдцем мо́им  
испыта́ю за́поведи Твоя́.**

Когда́ вижду Тя, Спа́се, безле́тнаго Свѣта, / ра́дость и сла́дость се́рдца  
Моего́? / Де́ва го́рько вопи́яше.

**70. Усы́рися я́ко млекó се́рдце их, / аз же зако́ну Твоему́ поучи́хся.**

А́ще и я́ко ка́мень, Спа́се, краесекóмый, / Ты прия́л еси́ сече́ние, / но  
источи́л еси́ живу́ю стру́ю, / я́ко Исто́чник сый жи́зни.


**71. Благó мне, я́ко смири́л мя еси́, / я́ко да научу́ся оправда́нием Твои́м.**

Я́ко от исто́чника еди́наго сугубо́ю реко́ю / ре́бром Твои́м излива́ющим  
напая́ющесея, / безсме́ртную приобрета́ем жизнь.


**72. Благ мне зако́н уст Твои́х, / па́че ты́сящ зла́та и сребра́.**

Волею́ яви́лся еси́, Сло́ве, во грóбе мертв, но живѣши, / и челове́ки, я́коже  
предре́кл еси́, / воскресѣнием Твои́м, Спа́се мой, воздвиза́еши.


**Слава:**



Слава Отцу и Сыну и Свя - то - му Ду - ху.



Вос - пе - ва - ем, Сло - ве, Те - бе всех Бо - га,



со От - цем и Свя - тым Тво - им Ду - хом,



и сла - вим Бо - жест - вен - но - е Тво - е по - гре - бе - ни - е.

**И ныне:**

И ныне и присно и во ве - ки ве - ков. А - минь.

Бла-жим Тя, Бо - го - ро - ди - це Чис - та - я, и по - чи - та -

- ем три - дней - но - е по-гре - бе-ни - е Сы - на Тво - е - го

и Бо - га на - ше - го вер - но.

**Паки 1-й припев 1-й Статии**

Жизнь во гро - бе по - ло - жил - ся е - си Хри - сте,

и Ан - гель - ска - я во - ин - ства у - жа - са - ху - ся

сниз-хож - де - ни - е сла - вя - ще Тво - е.

Статия 2-я

Дос-той-но есть ве - ли - ча - ти Тя, Жиз - но-дав - ца,

на Кре - сте ру - це про - стер ша - го,

и со-круш-ша - го дер - жа - ву вра - жи - ю.

73  
Руце Твои сотвористе мя и создасте мя, вразуми мя, и нау - чу - ся за -

- по - ве - дем Тво-им. Дос-той-но есть ве - ли - ча - ти Тя,

всех Зижди-те-ля: Тво-и-ми бо стра-дань-ми  
и-ма-мы без-стра-сти-е, из-бавль-ше-ся тле-ни-я.

**74. Боящиися Тебѣ узрят мя и возвеселятся, / яко на словеса Твоя уповах.**  
Ужасеся земля, / и солнце Спасе скрися, / Тебѣ Невечернему Свету,  
Христѣ, / зашедшу во гробе плотски.

**75. Разумех, Господи, яко правда судьбы Твоя, / и воистинну смирил мя еси.**

Уснул еси, Христѣ, / естественноживотным сном во гробе, / и от тяжкаго сна греховнаго / воздвигл еси род человеческий.

**76. Буди же милость Твоя, да утешит мя, / по словеси Твоему рабу Твоему.**  
Едина жен, кроме болезней родих Тя, Чáдо, / болезни же ныне терплю  
Страстию Твоею нестерпимая, / глаголаше Чистая.

**77. Да придут мне щедроты Твоя, и жив буду, / яко закон Твой поучение мое есть.**

Горѣ Тя, Спасе, неразлучно со Отцем суща, / доле же мертва простерта на  
земли, / ужасаются зряще Серафими.

**78. Да постыдятся гордии, яко неправедно беззаконноваша на мя, / аз же поглумлюся в заповедех Твоих.**

Раздирается церковная завеса Твоим распятием, / покрывают светила  
Слове свет, / Тебѣ, скрившуся Солнцу под землю.

**79. Да обратят мя боящиися Тебѣ, / и ведящи свидения Твоя.**

Земли изначала едином манием водрузивый круг, / бездыханен, яко  
человек, зайдет под землю, / ужаснися видением, небо.

**80. Буди сердце мое непорочно во оправданиях Твоих, / яко да не постыжуся.**

Зашел еси под землю, рукою Твоею создавый человека, / да воздвигнеш  
от падения соборы человеческия всеильною державою.

**81. Исчезает во спасение Твое, душа моя, / на словеса Твоя уповах.**

Плач священный приидите воспойм Христу умершему, / яко древле жены  
мироносицы, / да и радуяся услышим с ними.

**82. Исчезоша очи мой в слово Твое, глаголюще, / когда утетиши мя?**

Миро воистинну еси Ты, Слове неистощимое, / темже Ти и мира приношаху, / яко мертву Живо́му, жены мирносицы.

**83. Зане бых яко мех на слане, / оправданий Твоих не забых.**

Адова убо погребен царствия, Христэ, сокрушаеши, / смертью же смерть умерщвляеши, / и тления свободяеши земнородныя.

**84. Колико есть дней раба Твоего? / Когда сотвориши ми от гонящих мя суд?**

Токи жизни проливающая Божия Премудрость, / во гроб заходящи, животворит / сущия в незаходимых адовых местах.

**85. Поведаша мне законопреступницы глумления, / но не яко закон Твой, Господи.**

Да человеческое обновлю сокрушенное естество, / уязвлен есмь смертью хотя плотию, / Мати Моя, не терзайся рыданиями.

**86. Вся заповеди Твоя истина, / неправедно погнаша мя, помози ми.**

Зашел еси под землю, Светоносец правды, / и мертвыя якоже от сна воздвигл еси, / отгнав всякую тьму сущую во аде.

**87. Вмале не скончаша мене на земли, / аз же не оставих заповедей Твоих.**

Зерно двоерасленное естественножизненное, / в бока земная сеется со слезами днесь, / но прозябше мир радостно сотворит.

**88. По милости Твоей живи мя, / и сохранию свидения уст Твоих.**

Убоюсь Адам, Богу ходящу в рай, / радуется же, ко аду сошедшу, / падый прежде и ныне воздвигаемь.

**89. Во век, Господи, слово Твое / пребывает на небеси.**

Жрет Тебе жертвы слезныя рождающая Тя, Христэ, / плотию положена во гробе, вопиющи: / востани, Чадо, якоже предрекл еси.

**90. В род и род истина Твоя, / основал еси землю и пребывает.**

Во гробе Иосиф благоговейно Тя новем сокрывая / песни исходныя боголепныя поет Тебе, / смешеныя рыданиями, Спасе.

**91. Учинением Твоим пребывает день, / яко всяческая работна Тебе.**

Гвоздьми Тя Кресту пригвождена, / Мати Твоя, Слове, зрящи, / гвоздьми печали горькия пронзает и стрелами душу.

**92. Яко аще бы не закон Твой поучение мое был, / тогда убо погибл бых во смирении моем.**

Тя всех наслаждение Мати зрящи, / питием напаяема горьким, / слезами лице омакает горце.

**93. Во век не забуду оправданий Твоих, / яко в них оживил мя еси.**

Уязвляюся люте и растерзаюся утробой, Слове, / зрящи неправедное Твое заклание, / глаголаше Пречистая с плачем.

**94. Твой есмь аз, спаси мя, / яко оправданий Твоих взысках.**

Око сладкое и устне Твои како заключу, Слове? / Како же Ты мертволепно погребу? / Ужасаюся, вопияше Иосиф.

**95. Менé ждáша грéшницы погубíти мя, / свидéния Твоя разумéх.**

Пéсни Ио́сиф и Никодíм надгробныя / пою́т Христу́ умершему ны́не, / пою́т же с нými и Серафíми.

**96. Всякия кончыны вíдех конéц, / широка́ заповедь Твоя́ зелó.**

Заходиши под зéмлю Спáсе, Сóлнце правды, / тэмже Рóждшая Тя Лунá печальми оскудеваёт, / вíда Твоего́ лишáема.

**97. Коль возлюбíх закóн Твой, Гóсподи, / весь день поучéние моé есть.**

Ужасéся ад, Спáсе, зря Тя, Жизнодáвца, / богáтство óнаго упражднáюща, / и я́же от вéка мёртвыя возставляюща.

**98. Пáче враг мо́их умудрíл мя есí заповедию Твоею́, / я́ко в век мо́я есть.**

Сóлнце свет возсияваёт по но́щи, Сло́ве, / и Ты же воскрес, просияваéши по смéрти я́сно, / я́ко от черто́га.

**99. Пáче всех уча́щих мя разумéх, / я́ко свидéния Твоя́ поучéние моé есть.**

Земля́ Тя Создáтелю, в нéдра приéмши, / трéпетом содержи́ма, Спáсе, трясéтся, / успíвши мёртвыя трясéнием.

**100. Пáче ста́рец разумéх, / я́ко заповеди Твоя́ взыска́х.**

Мíры Тя, Христé, Никодíм и Благообра́зный, / ны́не новолéпно помазую́ще, / ужаснíся, вопия́ху, вся земля́.

**101. От всякаго путí лука́ва возбранíх ногáм мо́им, / я́ко да сохраню́ словеса́ Твоя́.**

Зашёл есí, Светотворче, / и с Тобóю за́йде свет со́лнца, / трéпетом же тварь содержи́тся, / всех Тя проповéдающи Творца́.

**102. От судéб Тво́их не уклонíхся, / я́ко Ты законоположил ми есí.**

Ка́мень угладéнный, краеуго́льный покрывáет ка́мень, / человек же смéртный, я́ко смéртна, / Бóга покрывáет ны́не во грóбе, / ужаснíся землé.

**103. Коль сладка́ гортáни моему́ словеса́ Твоя́, / пáче мéда усто́м мо́им.**

Виждь ученика́, егóже любíл есí, / и Твою́ Мáтерь, Ча́до, / и вещáние даждь сладча́йшее, / взывáше пла́чущи, Чíстая.

**104. От заповедей Тво́их разумéх, / сегó ráди возненавíдех всяк путь неправды.**

Ты, Сло́ве, я́ко сый животá Дáтель, / иудéов, на Крестé прострíйся, не умертвил есí, / но воскресíл есí и сих мёртвыя.

**105. Светíльник ногáма мо́има закóн Твой, / и свет стезя́м мо́им.**

Добро́ты, Сло́ве, прéжде не имéл есí, / ниже́ вíда, егда́ страдал есí, / но воскрес провозсия́л есí, / удобрív челове́ки Божéственными заря́ми.

**106. Кля́хся и поста́вих / сохранíти судьбы́ правды Твоея́.**

Зашёл есí плóтию в зéмлю, Невечéрний Светонóсец, / и не терпя́ зрéти со́лнце померче, / полúдни ещё́ сýщу.

**107. Смирíхся до зелá, Гóсподи, / живí мя по словесí Твоему́.**

Сóлнце вкúпе и лунá померкше, Спáсе, / рабóм благоразумным образова́хуся, / íже в чёрныя оде́жды облача́тся.

**108. Вóльная уст мо́их благово́ли же, Го́споди, / и судьба́м Твои́м научи́ мя.**  
Ви́де Тя, Бо́га, со́тник, а́ще и умертви́лся еси́, / ка́ко Тя у́бо, Бо́же мой,  
осяжу́ рука́ма? / Ужаса́юся, вопия́ше Ио́сиф.

**109. Душа́ моя́ в руку́ Твоею́ вѣну, / и зако́на Твоего́ не забы́х.**  
Усну́ Ада́м, но смерть из ребр изво́дит, / Ты же ны́не усну́л еси́, Сло́ве  
Бо́жий, / источа́еши от ребр Твои́х ми́рови жизнь.

**110. Положи́ша грѣшницы сеть мне, / и от за́поведей Твои́х не заблуди́х.**  
Усну́л еси́ ма́ло, и оживи́л еси́ уме́ршия, / и воскрѣс, воскреси́л еси́ спя́щия  
от ве́ка Бла́же.

**111. Наслѣдовах свидѣния Твоя́ во век, / я́ко ра́дование се́рдца моего́ суть.**  
Взя́т еси́ от земли́, / но источи́л еси́ спасѣ́ния вино́, живото́чная Лозо́, /  
прославля́ю Страсть и Крест.

**112. Приклони́х се́рдце моё, / сотвори́ти оправда́ния Твоя́ в век за  
воздая́ние.**

Ка́ко у́мная чинонача́лия Тя, Спа́се, пою́т, / на́га, окровавлѣ́на, осужде́на, /  
терпя́ще дѣрзость распина́телей?

**113. Законопресту́пныя возненави́дех, / зако́н же Твой возлюбѣ́х.**  
Обруче́нный, стропо́тнейший ро́де евре́йский, / ве́дал еси́ воздвиже́ние  
хра́ма, / почто́ осуди́л еси́ Христа́?

**114. Помо́щник мой и Засту́пник мой еси́ Ты, / на словеса́ Твоя́ упова́х.**  
Во оде́жду поруга́ния Укра́сителя́ всех облека́еши, / И́же не́бо утверди́, и  
зе́млю украси́ чу́дно.

**115. Уклони́теся от мене́, лука́внующи́и, / и испыта́ю за́поведи Бо́га моего́.**  
Я́коже не́ясыть у́язвлен в ре́бра Твоя́, Сло́ве, / о́троки Твоя́ умерши́я  
оживи́л еси́, / иска́пав живото́ныя им то́ки.

**116. Заступи́ мя по словеси́ Твоему́ и жив бу́ду, / и не посрами́ мене́ от  
ча́яния моего́.**

Со́лнце прѣ́жде уста́ви Иису́с, иноплеме́нники секи́й, / Ты же скры́лся еси́,  
низлагая́ тьмы нача́льника.

**117. Помози́ ми и спасу́ся, / и поучу́ся во оправда́ниих Твои́х вѣну.**  
Недр Оте́ческих неисхо́ден пребы́в, Ще́дре, / и Чело́век бы́ти благоволи́л  
еси́, / и во ад снизше́л еси́, Христе́.

**118. Уничжи́л еси́ вся отступа́ющия от оправда́ний Твои́х, / я́ко  
непра́ведно помышле́ние их.**

Взя́тся распны́йся, / и́же на вода́х зе́млю пове́шей, / и я́ко бездыха́нен в  
ней ны́не возлега́ет, / я́же не терпя́щи тряса́шеся лю́те.

**119. Преступа́ющия непщева́х вся грѣшны́я земли́, / сегó ра́ди возлюбѣ́х  
свидѣ́ния Твоя́.**

Уви́ мне, о Сы́не, / Неискусому́жная рыда́ше глаго́лющи, / Его́же бо я́ко  
Царя́ наде́яхся, / осужде́на зрю ны́не на Кресте́.

**120. Пригвозди́ стра́ху Твоему́ плóти моя́, / от судѣ́б бо Твои́х убо́яхся.**  
Сия́ Гаври́ил Мне возвести́, егда́ слете́, / и́же Ца́рство ве́чное рече́, Сы́на  
Моего́, Иису́са.

**121. Сотвори́х суд и пра́вду, / не преда́ждь мене́ обидя́щим мя.**

Увы́, Симео́ново соверши́ся проро́чество: / Твой бо меч про́йде се́рдце Моё́, Емману́иле.

**122. Восприими́ раба́ Твоего́ во бла́го, / да не оклеветают мене́ го́рдии.**

Поне́ сущих от ме́ртвых постыди́теся, о иудее́! / Ихже Животода́вец возста́ви, / Его́же вы уби́сте зави́стно.

**123. О́чи мой исчеза́ете во спасе́ние Твое́, / и в сло́во пра́вды Твоея́.**

Ужасе́ся ви́девшее, неви́димый Све́те, / Тебе́, Христе́ мой, во гробе́ сокрыва́ема, бездыха́нна же, / и помрачи́ со́лнце свет.

**124. Сотвори́ с рабо́м Твои́м по ми́лости Твое́й / и оправда́нием Твои́м научи́ мя.**

Пла́каше го́рько Пренепоро́чная Ма́ти Твоя́, Сло́ве, / егда́ во гробе́ ви́де Тебе́ Неизрече́ннаго и Безнача́льнаго Бо́га.

**125. Раб Твой есмь аз, вразуми́ мя, / и уве́м свиде́ния Твоя́.**

Ме́ртвость Твою́ нетле́нная, Христе́, / Ма́ти Твоя́ зря́щи, / го́рько к Тебе́ веща́ше: / не косни́, Животе́, в ме́ртвых.

**126. Вре́мя сотвори́ти Го́сподеви, / разори́ша зако́н Твой.**

Ад лю́тый потрепета́, / егда́ Тя ви́де, Со́лнце Сла́вы Безсме́ртне, / и издава́ше ю́зники тща́тельно.

**127. Сего́ ра́ди возлюбих за́поведи Твоя́ / па́че зла́та и топа́зия.**

Ве́лие и ужа́сное ви́дение ны́не зри́тся: / живота́ сый Ви́новный, смерть подъя́т, / оживи́ти хотя́ всех.

**128. Сего́ ра́ди ко всем за́поведем Твои́м направля́хся, / всяк путь непра́вды возненави́дех.**

Пробода́ешися в ре́бра, / и пригвожда́ешися, Влады́ко, рука́ми, / я́зву от ребра́ Ты исцеля́я, / и невоздержáние рук пра́отец.

**129. Дивна́ свиде́ния Твоя́, / сего́ ра́ди испыта́ я душа́ моя́.**

Пре́жде Рахи́лина сы́на пла́каше всяк и́же в до́му, / и Сы́на Де́выя рыда́ху учени́к лик с Ма́терию.

**130. Явление́ словес Твои́х / просвещáет и вразумля́ет младе́нцы.**

Ударе́ние рук да́ша Христо́вой ланите́, / руко́ю челове́ка созда́вшего, / и че́люсти зве́ря сокруши́вшего.

**131. Уста́ моя́ отверзо́х и привлеко́х дух, / я́ко за́поведей Твои́х желáх.**

Пе́сньми Твое́, Христе́, ны́не распя́тие и погребе́ние, вси ве́рнии пра́зднуем, / изба́вльшеся сме́рти погребе́нием Твои́м.

**Слава:**



Слава Отцу и Сыну и Свя - то - му Ду - - - ху.

Без-на-чаль-не Бо-же, Со-при-сно-сущ-не Сло-ве,

и Ду-ше Свя-тый, пра-во-слав-ны-я хри-сти-а-ны

у-кре-пи на рат-ны-я я-ко Благ.

**И ныне:**

И ныне и присно и во ве-ки ве-ков. А-минь.

Жизнь Рожд-ша-я Пре-не-по-роч-на-я Чис-та-я Де-во,

у-то-ли Цер-ков-ны-я со-блаз-ны,

и по - даждь мир, я - ко Бла - га - я.

Паки 1-й припев 2-й Статии

Дос - той - но есть ве - ли - ча - ти Тя, Жиз - но - дав - ца,

на Кре - сте ру - це про - стер ша - го,

и со - круш - ша - го дер - жа - ву вра - жи - ю.

Статия 3-я

Ро - ди вси песнь по - гре - бе - ни - ю Тво - е - му

при - но - сят, Хри - сте мой.

132

Призри на мя и помилуй мя, по суду лю-бя-щих И - - мя Тво - е.

Снем с дре-ва, и - же от А - ри - ма - фе - а,

пла-ща - ни-це - ю об - вив, во гробе Тя по-гре-ба - - ет.

**133. Стопы́ моя напра́ви по словеси́ Твоему́, / и да не облада́ет мною всякое беззако́ние.**

Миронóсицы приидóша, / мiра Тебé, Христé мой, нося́щия премúдро.

**134. Избáви мя от клеветы́ челове́ческа, / и сохраню́ заповеди Твоя́.**

Гряди́ вся тварь, / пéсни исходны́я принесéм Зиждителю.

**135. Лице́ Твое просвети́ на раба́ Твоего́, / и научи́ мя оправданием Твоим.**

Яко мёртва Живáго / с миронóсицами, вси миропомáжем мúдренно.

**136. Исходи́ща водна́я изведóсте óчи мой, / понéже не сохрани́х зако́на Твоего́.**

Иóсифе треблаже́нне, / погреби́ тéло Христá Жизнода́вца.

**137. Пра́веден еси́, Гóсподи, / и пра́ви суди́ Твои́.**

Ихже воспита манною, / воздвигóша пýту на Благодéтеля.

**138. Заповéдал еси́ пра́вду, свидéния Твоя́, / и и́стину зело́.**

И́хже воспита́ манною, / прино́сят Спа́су желчь кúпно и óцет.

**139. Иста́яла мя есть ре́вность Твоя́, / яко забы́ша словеса́ Твоя́ врази́ мой.**

О пребезúмия и христоуби́йства пророкоуби́йц!

**140. Разжже́но сло́во Твое́ зело́, / и раб Твой возлюби́ é.**

Якоже безúмный служи́тель, / предаде́ учени́к бéздну премúдрости.

**141. Юне́йший аз есмь и уничи́жен, / оправданий Твои́х не забы́х.**

Избáвителя оста́вив, / плéнник оста́вился льсти́вый Иúда.

**142. Правда Твоя правда во век, / и закон Твой истина.**

По Соломону, ров глубокий, / уста еврей беззаконных.

**143. Скорби и нужди обретоша мя, / заповеди Твоя поучение мое.**

В стропотных шествиих евреев беззаконных, волццы и сеты.

**144. Правда свидения Твоя в век, / вразуми мя и жив буду.**

Иосиф погребает с Никодимом мертволепно Зиждителя.

**145. Возвах всем сердцем моим, услыши мя, Господи, / оправдания Твоя взыщу.**

Жизнодавче Спасе, / слава державе Твоей, ад разоршей.

**146. Возвах Ти, спаси мя, / и сохраню свидения Твоя.**

Лежаща Тя Пречистая видящи, Слове, / матеролепно плакаше.

**147. Предварих в безгодии и возвах, / на словеса Твоя уповах.**

О сладчайшая Моя весно, сладчайшее Моё Чадо! / Где Твоя зайде доброта?

**148. Предваристе очи мои ко утру, / поучитися словесем Твоим.**

Плачь сподвизаше Всечистая Твоя Мати, / Тебе, Слове, умершу.

**149. Глас мой услыши, Господи, по милости Твоей, / по судьбе Твоей живи мя.**

Жены с мiры приидоша / помазати Христа Божественнаго мiра.

**150. Приближися гонящии мя беззаконием, / от закона же Твоего удалися.**

Смерть смертию Ты умерщвляеши, Боже мой, / Божественною силою Твоею.

**151. Близ еси Ты, Господи, / и вси пути Твоя истина.**

Прельстися прелестник, / прельстивыйся избавляется, / премудростию Твоею, Боже мой.

**152. Исперва познах от свидений Твоих, / яко во век основал я еси.**

Во дно адово низведен бысть предатель, / в кладенец истления.

**153. Видь смирение мое и изми мя, / яко закона Твоего не забых.**

Волццы и сеты пути / треокаяннаго безумнаго Иуды.

**154. Суди суд мой и избави мя, / словесе ради Твоего живи мя.**

Вси спогибают распинатели Твои, Слове, / Сыне Божий Всецарю.

**155. Далече от грешник спасение, / яко оправданий Твоих не взыскаша.**

В кладенец истления вси спогибают мужие кровей.

**156. Щедроты Твоя многи, Господи, / по судьбе Твоей живи мя.**

Сыне Божий Всецарю, Боже мой, Создателю мой, / како страсть подъял еси?

**157. Мнози изгонящии мя и стужающии ми, / от свидений Твоих не уклонихся.**

Юница Тельца на древе повешена взываше зрящи.

**158. Видех неразумеваящия и истаях, / яко словес Твоих не сохранюша.**


Тело живоносное Иосиф погребает с Никодимом.

**159. Видь, яко заповеди Твоя возлюбих, Господи, / по милости Твоей живи мя.**


Взываше Отроковица / тепле слезы точащи, / утробою прободаемая.

- 160. Начáло словéс Твои́х исти́на, / и во век вся судьбы́ правды Твоея́.**  
Свѣте о́чию Моёю, / Сладча́йшее Моё Чадо! / Ка́ко во грóбе ны́не  
покрывáешия?
- 161. Кня́зи погна́ша мя ту́не, / и от словéс Твои́х убо́яся сѣрдце моё.**  
Ада́ма и Ёву свободи́ти, Ма́ти не рыда́й, сия́ стражду́.
- 162. Возра́дуюся аз о словесéх Твои́х, / я́ко обрета́яй коры́сть мно́гу.**  
Прославля́ю Твоё, Сы́не Мой, кра́йнее благоутро́бие, / егóже ра́ди сия́  
страждеши.
- 163. Неправ́ду возненави́дех и омерзѣх, / за́кон же Твой возлюбѣх.**  
О́цтом напоён был еси́ и жѣлчию, Ще́дре, / дрѣвнее разрешáя вкушѣние.
- 164. Седмери́цею днем хвали́х Тя, / о судьба́х правды Твоея́.**  
На кресте́ пригвозди́лся еси́, / дрѣвле лю́ди Твоя́ столпо́м о́блачным  
покрывáяй.
- 165. Мир мног любя́щим за́кон Твой, / и несть им собла́зна.**  
Миронóсицы, Спа́се, ко грóбу пришѣдшия, / мѣра принесóша Тебѣ.
- 166. Ча́ях спасѣния Твоегó, Гóсподи, / и за́поведи Твоя́ возлюбѣх.**  
Востáни, Ще́дре, / от про́пастей а́дских возставля́яй нас.
- 167. Сохрани́ душá моя́ свидѣния Твоя́, / и возлюбѣ́ я зело́.**  
Воскресни́, Жизнода́вче, / рóждшая Тя Ма́ти слѣзы то́чащи глаго́лет.
- 168. Сохрани́х за́поведи Твоя́ и свидѣния Твоя́, / я́ко вси пути́е моѣ́ пред  
Тобо́ю, Гóсподи.**  
Потщѣ́ся воскресну́ти, печаль разрешáя, Сло́ве, / чѣсто Рóждшия Тя.
- 169. Да прибли́жится молѣние моё́ пред Тя, Гóсподи, / по словеси́ Твоему́  
вразумѣ́ мя.**  
Небѣсныя сѣ́лы ужасóшася стра́хом, / мѣртва Тя зря́ще.
- 170. Да вни́дет прошѣ́ние моё́ пред Тя, Гóсподи, / по словеси́ Твоему́  
изба́ви мя.**  
Любо́вию же и стра́хом Стра́сти Твоя́ почита́ющим, / даждь прегрешѣ́ний  
разрѣше́ние.
- 171. Отры́гнут устне́ моѣ́ пѣ́ние, / егда́ научи́ши мя оправда́нием Твои́м.**  
О ужáснаго и странна́го видѣ́ния, Бóжий Сло́ве! / Ка́ко земля́ Тя  
спокрывает?
- 172. Провещáет язýк мой словеса́ Твоя́, / я́ко вся за́поведи Твоя́ правда.**  
Нося́й Тя дрѣвле, Спа́се, Ио́сиф бѣ́гает, / и ны́не Тя инѣ́й погребáет.
- 173. Да бу́дет рука́ Твоя́ е́же спасти́ мя, / я́ко за́поведи Твоя́ изво́лих.**  
Пла́чет и рыда́ет Тя Пречѣ́стая Ма́ти Твоя́, / Спа́се мой, умерщвлѣ́наго.
- 174. Возжелáх спасѣ́ние Твоё́, Гóсподи, / и за́кон Твой поучѣ́ние моё́ есть.**  
Ужаса́ются умы́ странна́го, / и ужáснаго Тебѣ́ всех Созда́теля, погребѣ́ния.
- 175. Живá бу́дет душá моя́, и восхва́лит Тя, / и судьбы́ Твоя́ помóгут мне.**  
Излия́ша на гроб миронóсицы мѣ́ра, / зело́ ра́но пришѣдшыя.
- 176. Заблуди́х я́ко овча́ поги́бшее, / взыщи́ раба́ Твоегó, я́ко за́поведей  
Твои́х не забѣ́х.**  
Мир Цѣ́ркви, / лю́дем Твои́м спасѣ́ние / да́руй востáнием Твои́м.


**Слава:**



Слава Отцу и Сыну и Свя - то - му Ду - ху.



О Тро - и - це Бо - же мой: От - че, Сы -




- не и Ду - ше, по - ми - луй мир.

**И ныне:**



И ныне и присно и во ве - ки ве - ков. А - минь.



Ви - де - ти Тво - е - го Сы - на вос - кре - се - ни - е,



Де - во, спо - до - би Тво - я ра - бы.

## Тропари по непорочных

напев Киево-Печерской лавры

Припев:

Бла-го-сло-вен е - си, Гос-по-ди, на - у - чи мя о-прав-да-ни-ем Тво-им.

1

Ангельский собор уди-ви-ся, зря Тебе в мертвых вме-ни-ша-ся, смертную же Спасе,

крепость разо-рив-ша и с Собою Адама воз-двиг-ша, и от ада вся сво-божд - ша.

Припев:

Бла-го-сло-вен е - си, Гос-по-ди, на - у - чи мя о-прав-да-ни-ем Тво-им.

2

По-что ми-ра с милостивными сле-за-ми, о ученицы, рас-тво-ря - е - те?

блистаяся во гробе Ан - гел мироносицам ве - ща - ше: видите вы гроб и

уразу - мей - те, Спас бо воскресе от гро - ба.

Припев:

Бла-го-сло-вен е - си, Гос-по-ди, на - у - чи мя о-прав-да-ни-ем Тво-им.

3

Зе-ло ра - но мироносицы те - ча - ху ко гробу Твоему ры - да - ю - ща,

но предста к ним Ангел и ре - че: рыдания время преста, не пла - чи - те:

воскресение же Апостолом рцы - те.

Припев:

Бла-го-сло-вен е - си, Гос-по-ди, на - у - чи мя о-прав-да-ни-ем Тво-им.

4

Мироносицы же - ны с ми - ры пришедшия ко гробу Твоему, Спасе, ры - да - ху;

Ангел же к ним рече, гла - го - ля: что с мертвыми Живаго помы - шля - е - те?

яко Бог бо воскресе от гро - ба.

**Слава:**

5

Слава Отцу, и Сыну, и Свято - му Ду - ху. По - кло - ним - ся От - цу,

и Е - го Сынови, и Святому Ду - ху, Свя - той Трой - це во едином суще - стве,

с Се - ра - фи - мы зо - ву - ще: Свят, Свят, Свят е - си Гос - по - ди.

**И ныне:**

6

И ныне, и присно и во веки ве-ков. А-минь. Жиз-но-дав-ца рожд-ши,

греха, Дево, Адама из-ба-ви-ла е-си, ра-дость же Е-ве

в печали место пода-ла е-си; падшая же от жиз-ни к сей на-пра-ви

из Тебе воплотивыйся Бог и че-ло-век.

**Дважды:**

Ал-ли-луй-я, аллилуйя, алли-луй-я, сла-ва Те-бе Бо-же.

**3-й раз:**

Ал-ли-луй-я, аллилуйя, алли-луй-я, сла-ва Те-бе Бо-же, сла-ва Те-бе Бо-же.

Песнь 1-я Ирмосы Великой Субботы, глас 6-й

Знаменный распев

Вол-но - ю мор-ско ю, скрыв-ша - го дре - вле го - ни - те - ля

мучителя под землю скры - ша спа-сен-ных от - ро-цы: но мы яко

отроко-ви - цы, Господеви поим сла-внобопро-сла - ви-ся.

Песнь 3-я

Тебе, на водах по - ве - сив - ша - го всю землю неoder-жи - мо,

тварь видевши на лобнем ви - си-ма, ужасом многим содро-га-ше-ся,

несть свят, раз-ве Те-бе Гос-по-ди,взы-ва - ю-щи.

Песнь 4-я

На Кресте Твое Божественное исто - ща - ни - е провидя Аввакум,

ужася во - пи - я - ше: Ты силь-ных пресекл еси державу Бла - же,

приобщаяся сущим во аде, я - ко Все-си - лен.

Песнь 5-я

Богоявления Твое - го Хри-сте, к нам милостивно быв-ша-го, И-са-ия свет

видев Неве-чер - ний, из нощи утренавав, взы-ва - ше: вос-крес-нут мертвии

и востанут сущии во гро - бех, и вси зем-но-род-ни-и воз-ра - ду-ют-ся.

Песнь 6-я

Ят бысть, но не у-дер-жан в персех китовых И-она:

Твой бо об-раз но-ся, страдавшего и погребению дав-ша-го-ся,

я-ко от чер-то-га от зверя и-зы-де. Приглашаше же кусто-ди-и,

хра-ня-щие суетная и лож-на-я, ми-лость си-ю ос-та-ви-ли ес-те.

Песнь 7-я

Неизреченно-е чу-до, в пещи избавивый преподобныя отроки

из пла-ме-не, во гро-бе мертв бездыханен пола-га-ет-ся,

во спасение нас по-ю - щих: избавителю Боже бла-гос-ло-вен е - си.

*Песнь 8-я*

Ужаснися бояйся не - бо, и да подвижатся осно - ва - ни - я зем - ли,

се бо в мертвецах вменяется в выш - них жи - вый, и во гроб мал странно -

- при-ем-лет-ся. Е-го-же отроцы благословите, священницы вос-пой - те,

людие превозно - си - те во вся ве - ки.

*Хвалим благословим:*

Хвалим благословим покланяемся Господеви поюще и превозно-ся-ще во вся ве - ки.

Песнь 9-я

Не рыдай Ме - не Ма - ти, зря - щи во гро - бе,

Е - го - же во чреве без семени зачала еси Сы - на: востану бо и

про - слав - лю - ся, и воз - не - су со славою непрестанно я - ко Бог,

верою и любовью Тя ве - ли - ча - ю - щи - я.

1. Свят Господь Бог наш, глас 2-й

Трижды:

Свят Гос - подь Бог наш. Обиход

2. Свят Господь Бог наш, глас 2-й

Трижды:

Свят Гос - подь Бог наш. Знаменный распев

## Всякое дыхание, глас 2-й

①  
Всякое дыхание да хвалит Гос - по - да. ②  
Хва - ли - те Гос - по - да с Не - бес,

③  
хва - ли - те Е - го в выш - них. закл.  
Тебе подобает песнь Бо - гу.

①  
Хвалите Его, вси Ан - ге - ли Е - го, ②  
хвалите Его, вся Си - лы Е - го.

закл.  
Тебе подобает песнь Бо - гу.

### на 4: Хвалите Его на силах Его,

хвалите Его по множеству ве - ли - че - стви - я Е - го.

## на Хвалитех 1-я стихира, глас 2-й

① Днесь содержит гроб Содержащаго дла - ни - ю тварь, покрывает камень

②

③ Покрывшаго добро-де - те - ли - ю не - бе - са: спит Жи-вот, и ад тре-пе-щет,

④ и Адам от уз разре - ша - ет - ся. ② Слава Твоему смо-тре-ни - ю, ③ им - же

④ совершив все упокоени - е веч - но - е, даровал еси нам Бо - же,

закл. всесвятое из мертвых Твое Вос-кре - се - ни - е.



**И ныне:**

И ныне и присно и во ве - ки ве - ков. А - минь.

**на Хвалитех последняя стихира, глас 2-й**

Преблагословенна еси, Богородице Де - во, воплощшим бо ся из Тебе ад

пле - ни - ся, А - дам воззвася, клятва потребися, Ева сво - бо - ди - ся,

смерть умертвися и мы о - жи - хом, тем вос - пе - ва - ю - ще во - пи - ем:

**закл.**  
благословен Христос Бог благоволивый та - ко, сла - ва Те - бе.



## Трисвятое на Крестном ходе

Очень медленно

Обиход

Свя - тый Бо - же, Свя - тый Креп - кий,

Свя - тый Без - смерт - ный по - ми - луй нас.

## 1-й Тропарь, глас 2-й

Болгарский распев

Бла - го - об - раз - ный И - о -

- сиф, с Дре -

- ва снем Пре - чис - то -

- е Те - ло Тво - е, Пла -

- ща - ни - це - ю чис - то -

- ю об - вив, и

во - ня - ми, во гро - бе

но - ве, по - крыв, по - ло - жи.

1-й Прокимен на Утрени СУББОТЫ, глас 4-й

А. Д. Кастальский

1

Вос-крес-ни Господи, помози нам, и избави нас Имене Тво - е - го

ра - ди.

## 1-й Прокимен на Утрени СУББОТЫ, глас 4-й

Сокращ. Киевский распев

2

Воскресни Господи, помози нам, и избави нас И - ме - не Тво -

- е - го ра - - ди.

## 2-й Прокимен на Утрени СУББОТЫ, глас 7-й

А. Д. Кастальский

3

Вос-крес-ни Господи, Боже мой, да вознесется рука Твоя, не за - бу -

- ди у - бо - гих Тво - их до кон - ца.

## 2-й Прокимен на Утрени СУББОТЫ, глас 7-й

Сокращ. Киевский распев

4

Вос-крес - ни Господи Боже мой, да вознесется ру - ка Тво - я,

не забуди у - бо - гих Тво - их до кон - ца.

## 1. Аллилуия на Утрени СУББОТЫ, глас 5-й

А. Д. Кастальский

1

Аллилуия, ал - ли - лу - и - я, ал - ли - лу - и - я.

## 2. Аллилуия на Утрени СУББОТЫ, глас 5-й

распев КПЛ

2

Ал - ли - луй - я, ал - ли - луй - я, ал - ли - луй - я.

ал - ли - луй - я, ал - ли - луй - я.


## Стихира на целование Плащаницы, глас 5-й

Д. С. Бортнянский


При - и - ди - те, у - бла - жим И - о - си - фа при - сно - па - мят - на -

- го, в но - щик Пи - ла - ту при - шед - ша - го, и Жи - во - та всех ис - про -

- сив - ша - го: даждь ми Се - го Стран - на - го, И - же не и -



- ме - ет где гла - вы под-кло - ни - ти: даждь ми Се - го



Стран-на - го, Е - го - же у - че - ник лу - ка - вый на смерть




пре-да-де: даждь ми Се-го Стран-на - го, Е - го-же Ма-ти



зря-щи на Кре-сте ви-ся - ща, ры - да - ю - щи во - пи - я -




- ше и ма - тер-ски вос-кли - ца - ше: у - вы Мне,



Ча - до Мо-е! У - вы Мне Све-те Мой, и У-тро-



- ба Мо - я воз - люб - лен - на - я! Си - ме - о - ном бо пред - ре -



- чен - но - е в цер - кви днесь со - быст - ся: Мо - е серд - це о - ру -



- жи - е прой - де, но в ра - дость вос - кре - се - ни - я Тво - е - го плач пре - ло -



- жи. По - кла - ня - ем - ся стра - стем Тво - им, Хри - сте, по - кла - ня - ем -



- ся стра - стем Тво - им, Хри - сте, по кла - ня - ем - ся стра - стем Тво - им Хри -



- сте, и Свя - то - му Вос - кре - се - ни - ю.

## Господи возвах, глас 1-й

① Гос - поди, воззвах к Тебе, ус - лы - ши мя; ② услыши мя, Гос - по - ди.

③ Гос - поди, воззвах к Тебе, ус - лы - ши мя; ④ вон - ми гла - су мо - ле - ния мое - го.

① Вне - гда воз - зва - ти ми к Те - бе; закл. услыши мя, Гос - по - ди.

① Да ис - пра - вит - ся мо - лит - ва мо - я, ② яко кадило пред То - бо - ю,

③ воз - де - я - ни - е ру - ку мо - е - ю, ④ жер - тва ве - чер - ня - я.

на 8: Из глубины воззвах к Тебе, Господи,

закл. Ус - лы - ши мя, Гос - по - ди. Гос - по - ди, ус - лы - ши глас мой.

на Господи воззвах 1-я стихира, глас 1-й

① Ве - чер - ния наша мо - лит - вы приими, Святой Гос - по - ди,

③ и по - даждь нам ос - тав - ле - ни - е гре - хов, я - ко Е - дин е - си

закл.  
явлей в мире Воскре - се - ни - е.

И ныне:

И ныне и присно и во ве - ки ве - ков. А - - минь.

на Господи воззвах последняя стихира, глас 1-й

① Все - мир - ну - ю сла - ву, от человек про - зяб - шу - ю,

③ и Вла - ды - ку рож - дшу - ю, Небесную дверь воспоим, Ма - ри - ю Де - ву,

① без-плот-ных песнь и верных у - доб - ре - ни - е: ② Сия бо явися небо,

и храм Бо - же - ства: ③ Си - я, преграждение вражды раз - ру - шив - ши,

④ мир вве - де и Цар - стви - е от - вер - зе. ① Си - ю убо имуще веры

ут - верж - де - ни - е, ② Поборника имамы из Нея рождшагося Гос - по - да.

③ Дер - зай - те убо, дерзайте, люди - е Бо - жи - и, ④ и - бо Той по - бе - дит вра - ги, V

закл. я - ко Все - си - лен.

### Припев по 6-й паремии

Слав-но бо про-сла - ви - ся.

### Припев по 15-й паремии

Гос-по-да пой - те и пре-воз-но-си-те Е-го во ве - ки.

### 1. Елицы во Христа креститесь...

Обычный распев

1

Е - ли - цы во Христа кре - сти - сте - ся,

во Хри - ста об - ле - ко - сте - ся. Ал - ли - лу - и - я.

### 2. Елицы во Христа креститесь...

Московский распев

2

Е - ли - цы во Хри - ста кре - сти - сте - ся,

во Хри-ста об-ле-ко-сте-ся. Ал - ли - лу - я.

## 1. Прокимен на Литургии

Неизвестный автор

1

Вся зем-ля да по - кло-нит-ся Те - бе, и по - ет Те -

- бе, да по - ет же И - ме - ни Тво - е - му, Выш - ний.

## 2. Прокимен на Литургии, глас 5-й

А. Д. Кастальский

2

Вся земля да поклонится Тебе, и по - ет Те - бе, да по - ет же И - ме -

- ни Тво - е - му Выш - ний.

## 3. Прокимен на Литургии, глас 5-й

Сокращ. Киевский распев

3

Вся земля да поклонится Тебе, и поет Тебе, да по - ет же И - ме - ни

Тво - е - му Выш - ний.

## Вместо Аллилуия на Литургии

П. И. Турчанинов\*

1

Вос-кре-сни Бо-же, су-ди зем-ли, я-ко Ты цар-ству-е-

2

-ши во ве-ки. Хрис-тос но-ва-я пас-ха,

3

жи-во-жерт-вен-на-я жер-тва, аг-нец Бо-жий,

взем-ляй гре-хи ми-ра. Те-ча-ху же-

-ху

-ны воз-вес-ти - ти А-по-сто-лом: дер-зай - те у-бо и во-зо-пий -

дер-зай - те

-те, я-ко вос-кре-се, вос-кре-се Гос-подь.

\* ред. Тарасий Чиж

4

Ан-гел во - пи - я - ше Бла - го - дат-ней: Чис - та - я Де - во;

ра-дуй-ся, и па - ки ре - ку ра - дуй - ся:Твой бо  
Твой

Сын вос - кре - се три - дне - вен от гро - ба.

*Припев ко всем стихам:*

Вос - кре - сни Бо - же, су - ди зем - ли,

я - ко Ты на - сле - ди - ши во всех я - зы - цех.

**Стих 1-й:** Воскресни, Боже, суди земли, / яко Ты наследилши во всех языцех.

**Стих 2-й:** Бог ста в сонме богов, / посреде же боги разсудит.

**Стих 3-й:** Доколе судите неправду, / и лица грешников приемлете?

**Стих 4-й:** Судите сиру и убогу, / смиренна и нища оправдайте.

**Стих 5-й:** Измите нища и убога, / из руки грешничи избавите его.

**Стих 6-й:** Не познаша, / ниже уразумеша, / во тьме ходят.

**Стих 7-й:** Да подвижутся вся основания земли. / Аз рех: бози есте, и сынове Вышняго вси. /  
Вы же яко человецы умираете, / и яко един от князей падаете.

**Стих 8-й:** Воскресни, Боже, суди земли, / яко Ты наследилши во всех языцех.

## 1. Вместо "Херувимской песни" в СУББОТУ

Обиход ОДС

1

Да мол - чит вся - ка - я плоть че - ло - ве - ча,

и да сто - ит со стра - хом и тре - пе - том,

и ни - что - же зем - но - е в се - бе да по - мы - шля - ет,

и ни - что - же зем - но - е в се - бе да по - мы - шля - ет.

Царь бо цар - ству - ю - щих, и Гос - подь гос - под - ству - ю - щих

при - хо - дит за - кла - ти - ся и да - ти - ся в снедь вер - ным.

А-минь. Пред - хо - дят же се - му ли - цы Ан-гель-сти - и

со вся - ким, со вся-ким На - ча-лом и Вла-сти - ю,

мно-го - о - чи - ти - и, мно-го - о - чи - ти - и Хе - ру - ви - ми

и шес-то-кры - ла - ти - и Се - ра - фи - ми, ли - ца за-кры-ва - ю - ще,

и во - пи - ю - ще песнь: Ал - ли - лу - и - я,

ал - ли - лу - и - я, ал - ли - лу - и - я.

## 2. Вместо "Херувимской песни" в СУББОТУ

П. И. Турчанинов

2

Да мол-чит вся - ка - я плоть че-ло - ве - ча,


и да сто - ит со страхом и тре - пе - трьм,

и ни - что-же зем-но-е в се - бе да по-мы - шля - ет,

и ни - что - же зем-но-е в се - бе да по-мы - шля - ет:

Царь бо цар-ству-ю - щих, и Гос - подь, и Гос -

- подь гос - под - ству-ю - щих при - хо - дит за - кла-ти - ся,



и да-ти-ся, и да-ти-ся в снедь вер-ным.

А-минь. Пред-ходят же Се-му ли-цы Ан-гель-

-сти-и со-вся-ким, со-вся-ким На-

-ча-лом и Вла-сти-ю, мно-го-о-чи-ти-и,

мно-го-о-чи-ти-и Хе-ру-ви-ми,

и ше-сто-кры-ла-ти-и Се-ра-фи-ми, ли-ца за-кры-

- ва - ю - ще, и во - пи - ю - ще песнь:

Ал - ли - луй - я, ал - ли - луй - я, ал - ли - луй - я.

Задостойник в Великую СУББОТУ, глас 6-й

Знаменный распев

Не рыдай Ме - не Ма - ти, зря - щи во гро - бе,

Е - го - же во чреве без семени зачала еси Сы - на: встану бо и

про - слав - лю - ся, и воз - не - су со славою непрестанно я - ко Бог,

верою и любовью Тя ве - ли - ча - ю - щи - я.

## 1. Причастен в Великую СУББОТУ

И. П. Соломин

1

*pp*  
Во - ста я - ко спя Гос-подь, во - ста я - ко

*f*  
спя Гос - подь, и вос - кре - се, и вос -

- кре - се спа - са - - яй нас, и вос - кре-се,

*p*  
и вос-кре-се спа - са - яй нас, и вос-кре - - се спа -

*p*  
- са - яй нас. Ал - - ли - луй - - я,

ал - ли - луй - я, ал - - ли - луй - - я,

*f*

ал - ли - луй - я, ал - ли - луй - я, ал -

*f* *p*

- ли-луй - я, ал - ли-луй - я, ал - ли -

*pp* *ritard.*

- луй - я, ал - ли-луй - я, ал - ли - луй - я.

## 2. Причастен в Великую СУББОТУ

Обиход

2

Во - ста я - ко спя Гос - подь: и воскресе спа - са - яй нас.

Аллилуия, аллилуия алли - лу - и - я.

